

टेढ़ो टेढ़ो देखे रे

टेढ़ो टेढ़ो देखे रे,
साँविरया म्हारी ओर जी,
कालजो निकाल सी के,
प्यारा चित्त चोर जी।

साँवली सूरत थारी,
प्यारी मनमोहनी,
घुँघराली बाल थारा,
थारी लट घुँघराली,
मीठी सी मुस्कान थारी,
लेवे मन मोह जी,
कालजो निकाल सी के,
प्यारा चित्त चोर जी।

कानां माहीं कुण्डल,
अधरों पे बाँस रे,
मीठी मीठी तान से,
बजावो यो बांसुरी,
जादूगर साँवरो यो,
मनडे रे ने खींचे जी,
कालजो निकाल सी के,
प्यारा चित्त चोर जी।

टेढ़ी मेढ़ी चाल चाले,
मुड़ मुड़ देखे जी,
गायां ने चरावतो यो,
ग्वालियां ने देखे जी,
माखन और मिश्री को,
कह्यो जावे चोर जी,
कालजो निकाल सी के,
प्यारा चित्त चोर जी।

रूप यो सलौनो थारो,
सुरभी ने भायो जी,
भगतां के मनडे में,
जाय के समायो जी,
चरणां में थारे म्हे तो,
झुक झुक जावां जी,
कालजो निकाल सी के,
प्यारा चित्त चोर जी।

<https://www.bhajanganga.com/bhajan/lyrics/id/23320/title/tedo-tedo-dekhe-re>

अपने Android मोबाइल पर [BhajanGanga](#) App डाउनलोड करें और भजनों का आनंद ले |